



Broj: 11-19-19/2-11-2-2232-I/26

Datum: 19.08.2026. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, donosi:

O D L U K U

o izboru najpovoljnijeg ponuđača za Javnu nabavku prehrambenih proizvoda LOT 1 - Nabavka prehrambenih artikala i napitaka

I

Prihvata se prijedlog Komisije za provođenje otvorenih postupaka javnih nabavki u postupku javne nabavke prehrambenih proizvoda, LOT 1 - Nabavka prehrambenih artikala i napitaka, te se ugovor dodjeljuje ponuđaču „**BOSNA-KOM**“ d.o.o. **Gračanica**, čija ponuda broj 50-1/26 od 01.07.2026. godine, nakon provedenog postupka e-Aukcije iznosi **633,00 KM bez PDV-a**.

II

Odabrani ponuđač dužan je u roku od pet (5) dana dostaviti dokaze tražene tenderskom dokumentacijom.

III

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

IV

Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).

V

Za izvršenje Odluke zadužuje se Sektor za finansije i javne nabavke.

VI

Odluka stupa na snagu danom donošenja.

O B R A Z L O Ž E N J E

Federalna uprava policije je provela otvoreni postupak Javne nabavke prehrambenih proizvoda (podijeljena na LOT-ove), broj obavještenja 1412-1-1-124-3-132/26 od 25.05.2026.godine, objavljeno u "Službenom glasniku BiH" broj: 48/26 od 10.07.2026.godine.

Procjenjena ukupna vrijednost Javne nabavke prehrambenih proizvoda iznosi **320.512,82 KM bez PDV-a**, dok je za LOT 1 - Nabavka prehrambenih artikala i napitaka iznosi 145.000,00 KM bez PDV-a.

Postupak pregleda i ocjene ponuda je provela Komisija za provođenje otvorenih postupaka nabavki u 2026. godini, broj Rješenja o imenovanju broj: 11-11/4-30-2-1387 od 17.12.2025. godine, broj: 11-11/4-30-2-271 od 20.02.2026. godine i 11-11/4-30-2-271-1/26 od 06.07.2026. godine.

U postupku je utvrđeno da je Komisija u svemu postupila pravilno, te da je preporuka za izbor najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Dana 10.07.2026. godine, Komisija za provođenje otvorenih postupaka javnih nabavki za 2026. godinu izvršila je otvaranje ponuda u postupku Javne nabavke prehrambenih proizvoda (podijeljena na LOT-ove), o čemu je sačinjen Zapisnik o otvaranju ponuda, u koji su uneseni svi podaci propisani članom 63. stav 4. i 5., ZJN.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda, pregled i ocjenu kvalifikovanosti ponuđača, o čemu je sačinila navedeni zapisnik, u kojem je utvrđeno sljedeće:

- da su za Javnu nabavku prehrambenih proizvoda, LOT 1 - Nabavka prehrambenih artikala i napitaka zaprimljene tri (3) ponude, koje su ujedno i blagovremene, i to ponuđača: „BOSNA-KOM“ d.o.o. Gračanica; „LALA i LAČO“ d.o.o. Bijeljina i „Gold Mignon“ d.o.o. Sarajevo.
- da nije bilo neblagovremeno zaprimljenih ponuda;
- da je ponuda ponuđača „Gold Mignon“ d.o.o. Sarajevo, nakon izvršene matematičke analize matematički neispravna, te je upućen dopis navedenom ponuđaču radi pribavljanja saglasnosti za ispravku računске greške, koja je i zaprimljena dana 15.07.2026. godine, aktom broj 1999/26.
- da su ponude ponuđača: „BOSNA-KOM“ d.o.o. Gračanica; „LALA i LAČO“ d.o.o. Bijeljina i „Gold Mignon“ d.o.o. Sarajevo, formalno-pravno ispravne, ocijenjene kao prihvatljive, te da ispunjavaju sve uslove propisane tenderskom dokumentacijom;
- tenderskom dokumentacijom je predviđeno održavanje e-Aukcije, te je Sektor za finansije i javne nabavke dana 20.07.2026. godine aktom broj 19-19/2-6823/26 dostavio Izvještaj o provedenom postupku e-Aukcije. Pored navedenog akta, Sektor za finansije i javne nabavke dostavio je i dopis broj: 19-19/2-6822/26 od 20.07.2026. godine, kojim je Komisija obavještena o prijavi tehničkog prekida rada sistema tokom e-Aukcije koju je podnio ponuđač „GOLD MIGNON“ d.o.o. Sarajevo, a koja se odnosi na e-Aukcije za nabavku prehrambenih proizvoda (LOT 1), te da je potrebno da Komisija zaustavi preduzimanje svih daljih radnji. U vezi sa navedenim, Komisija je dopisom, broj: 19-19/2-11-2-2232 od 11.08.2026. godine zatražila od Sektora za finansije i javne nabavke informaciju da li je Agenciji za javne nabavke, putem sistema e-Nabavke, podnesen zahtjev za ponovno zakazivanje e-Aukcije, od strane ugovornog organa ili ponuđača „GOLD MIGNON“ d.o.o. Sarajevo, kako bi Komisija mogla nastaviti postupak javne nabavke. Dana 13.08.2026. godine, Sektor za finansije i javne nabavke je aktom broj: 19-19/2-11-2-2232/26 od 13.08.2026. godine dostavio Komisiji informaciju da na Portalu javnih nabavki, na strani Ugovornog organa – Federalne uprave policije, nije evidentirana sistemska notifikacija o tehničkom prekidu rada sistema, kao i da na Portalu javnih nabavki nije evidentiran zahtjev za ponovno zakazivanje e-Aukcije. Uvidom u svu dokumentaciju koja se odnosi na LOT 1 Komisija je utvrdila da navedena prijava tehničkog prekida rada sistema tokom provođenja e-Aukcije, od strane ponuđača „GOLD MIGNON“ d.o.o. Sarajevo, dostavljena putem e-maila goldmignon97@gmail.com, Agenciji za javne nabavke, a Agencija je putem e-mail adrese Kemal.Muhamedovic@javnenabavke.gov.ba obavijestila ponuđača

„GOLD MIGNON“ d.o.o. Sarajevo da je potrebno da podnese zahtjev za ponovno zakazivanje e-Aukcije, u skladu sa članom 9. stav 2. Pravilnika o uslovima i načinu korištenja e-Aukcije „Službeni glasnik BiH, broj 80/23“, te da će Agencija najkasnije u roku od sedam dana odlučiti po podnesenom zahtjevu i o tome obavijestiti korisnike sistema putem sistema e-Nabavke. U istom e-mailu su dostavili i web stranicu <https://www.javnenabavke.gov.ba/bs-latn-ba/news/379/pocetak-primjene-novih-pravila-u-e-aukcijama>, gdje je u istom i link prema dokumentu „E-aukcija - Kratko uputstvo za nove funkcionalnosti za ponuđače i ugovorne organe“.

Uvidom u dokument „E-aukcija - Kratko uputstvo za nove funkcionalnosti za ponuđače i ugovorne organe“, koji je izdala Agencija za javne nabavke u tački 2.4. Zahtjev za ponovno zakazivanje e-aukcije (dio koji se odnosi na ponuđače) se navodi:

- „**Zahtjev za ponovno zakazivanje e-aukcije u slučaju problema koji se dese isključivo u okruženju za koje je odgovorna Agencija podnosi se putem sistema e-nabavke. Zahtjev mogu uputiti ugovorni organi i ponuđači koji su učestvovali u e-aukciji.**“
- „Agencija najkasnije u roku od 7 dana odlučuje po zahtjevu i o tome obavještava podnosioca zahtjeva putem sistema e-nabavke. Agencija ponovno zakazuje e-Aukciju u slučaju problema koji se dese isključivo u okruženju za koje je ona odgovorna, a usljed kojih dođe do nemogućnosti početka zakazane e-Aukcije, prekida e-Aukcije u toku, neisporučivanja systemske notifikacije o zakazivanju e-Aukcije ili drugih tehničkih problema koji utiču na ispravan tok i završetak e-Aukcije.“

Imajući u vidu navedeno, a s obzirom na protek od 22 dana od provedene e-Aukcije, Komisija će postupiti na osnovu Izvještaja o provedenoj e-Aukciji od 20.07.2026. godine.

Rukovodeći se kriterijem najniže cijene i činjenicom da su ispunjeni svi uslovi propisani tenderskom dokumentacijom, Komisija je predložila da se, u skladu sa članom 70., Zakona o javnim nabavkama, donese Odluka o izboru najpovoljnijeg ponuđača u postupku Javne nabavke prehrambenih proizvoda, LOT 1 - Nabavka prehrambenih artikala i napitaka, te da se ugovor dodijeli ponuđaču „**BOSNA-KOM**“ d.o.o. **Gračanica**, prema ponudi broj: 50-1/26 od 01.07.2026. godine, sa ukupnom cijenom nakon provedenog postupka e-Aukcije u iznosu od **633,00 KM bez PDV-a**, što je konstatovano u Zapisniku o pregledu i ocjeni ponuda od 14.07.2026. godine i 19.08.2026. godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


**DIREKTOR
GLAVNI GENERALNI INSPEKTOR POLICIJE**

Igor Marić

Dostaviti:

- Sektor za finansije i javne nabavke
- ponuđačima
- u spis